

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TISA

KIKAO CHA SITA

14 NOVEMBA, 2017



ORODHA YA SHUGHULI ZA LEO

MKUTANO WA TISA

KIKAO CHA SITA – TAREHE 14 NOVEMBA, 2017

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (i) Toleo Na. 35 la tarehe 01/09/2017
- (ii) Toleo Na. 36 la tarehe 08/09/2017
- (iii) Toleo Na. 37 la tarehe 15/09/2017
- (iv) Toleo Na. 38 la tarehe 22/09/2017
- (v) Toleo Na. 39 la tarehe 29/09/2017
- (vi) Toleo Na. 40 la tarehe 06/10/2017
- (vii) Toleo Na. 41 la tarehe 13/10/2017
- (viii) Toleo Na. 42 la tarehe 20/10/2017
- (ix) Toleo Na. 43 la tarehe 27/10/2017

WAZIRI WA UJENZI, UCHUKUZI NA MAWASILIANO:

Maelezo ya Waziri wa Ujenzi, Uchukuzi na Mawasiliano kuhusu Muswada wa Sheria ya Shirika la Mawasiliano Tanzania wa Mwaka 2017 (*The Tanzania Telecommunications Corporation Bill, 2017*).

MWENYEKITI WA KAMATI YA MIUNDOMBINU:

Maoni ya Kamati ya Miundombinu kuhusu Muswada wa Sheria ya Shirika la Mawasiliano Tanzania wa Mwaka 2017 (*The Tanzania Telecommunications Corporation Bill, 2017*).

MSEMAJI MKUU WA KAMBI RASMI YA UPINZANI WA WIZARA YA UJENZI, UCHUKUZI NA MAWASILIANO:

Maoni ya Msemaji Mkuu wa Kambi Rasmi ya Upinzani wa Wizara ya Ujenzi, Uchukuzi na Mawasiliano kuhusu Muswada wa Sheria ya Shirika la Mawasiliano Tanzania wa Mwaka 2017 (*The Tanzania Telecommunications Corporation Bill, 2017*).


III. MASWALI:

OFISI YA WAZIRI MKUU:

68. MHESHIMIWA SONIA JUMAA MAGOGO (VITI MAALUM):

Atamuuliza Mheshimiwa Waziri Mkuu:-

Je, Serikali ina mkakati gani dhidi ya waajiri ambao hawawaandikishi Watumishi wao katika Mifuko ya Hifadhi ya Jamii na kuwasababishia kukosa stahiki zao.



OFISI YA RAIS (TAMISEMI):

69. MHESHIMIWA MUSSA RAMADHANI SIMA (SINGIDA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kutoa vifaa tiba kwenye Hospitali ya Wilaya ya Singida Mjini au Kituo cha Afya cha Sokoine.

**70. MHESHIMIWA JOSEPHINE TABITHA CHAGULA
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Mkoa wa Geita inakabiliwa na kero mbalimbali kama vile ukosefu wa Madaktari Bingwa wa Akina Mama na Watoto, dawa, Vifaa Tiba pamoja na uhaba wa majengo ya wodi za Wazazi:-

Je, Serikali ina mpango gani wa haraka wa kutatua kero hizo katika Hospitali ya Mkoa wa Geita.

WIZARA YA KATIBA NA SHERIA:

**71. MHESHIMIWA JAMES FRANCIS MBATIA
(VUNJO):**

Atamuuliza Mheshimiwa Waziri wa Katiba na Sheria:- Sheria ya Maslahi na Mafao ya Majaji Namba 3 ya Mwaka 2007 Kifungu cha 8; inafafanua kuwa Jaji Mkuu, Jaji wa Mahakama ya Rufani, Jaji Kiongozi au Jaji wa Mahakama Kuu akifariki dunia akiwa madarakani au baada ya kustaafu Serikali itagharamia gharama za mazishi na Kifungu cha 10 cha Sheria hiyo kinafafanua malipo ya pensheni na huduma nyingine atakazostahili Jaji wakati wa kustaafu kama ilivyo kwenye Kifungu cha 20 na 21 cha Sheria ya Utumishi wa Umma;

Je, Serikali haioni busara kuifanyia marekebisho Sheria hiyo au vinginevyo ili Majaji waweze kupatiwa huduma muhimu na hasa matibabu wakati wanapostaafu.

WIZARA YA AFYA, MAENDELEO YA JAMII, JINSIA, WAZEE NA WATOTO:

72. MHESHIMIWA FATMA HASSAN TOUFIQ (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Katika miaka ya 70 kulikuwa na *Community Centres* ambapo Wananchi wa rika tofauti walikuwa wakikutana na kubadilishana mawazo na maeneo hayo yalikuwa ya muhimu kupata huduma za jamii kama afya ya akili, Wananchi wenye msongo wa mawazo, ugonjwa wa kisukari, kifafa, pumu na shinikizo la damu:-

Je, Serikali haioni umuhimu wa kurejesha *Community Centres*.


WIZARA YA FEDHA NA MIPANGO:

73. MHESHIMIWA WILFRED MUGANYIZI LWAKATARE (BUKOBA MJINI):

Atamuuliza Mheshimiwa Waziri wa Fedha na Mipango:- Serikali imeamua kuhamisha tozo la kodi

ya umiliki wa nyumba kutoka Serikali za Mitaa kwenda TRA na hivyo kuathiri kwa kiasi kikubwa mapato na bajeti za Halmashauri nyingi nchini zilizokwishapendekezwa na kupitishwa na Vikao vya Halmashauri:-

- (a) Je, Serikali inazipa Halmashauri ushauri gani wa kitaalam wa hatua za kuchukua ili kuziba pengo hilo la kibajeti;
- (b) Kwa kuzingatia uwezo mdogo ulioonyeshwa na TRA katika kukusanya kodi mbalimbali ambazo wamekuwa wakikusanya kwa mujibu wa Sheria; Je, Serikali haioni kwamba uamuzi huu ni kuzidi kuipa TRA mzigo mkubwa ambao hawatauweza.



WIZARA YA ELIMU, SAYANSI NA TEKNOLOJIA:

74. MHESHIMIWA MARIAM NASORO KISANGI (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Ongezeko la watoto wenye matatizo ya afya ya akili na ubongo limekuwa kubwa kwa sasa katika nchi yetu:-

Je, Serikali ina mpango gani wa kuboresha vitengo vya elimu kwa watoto wenye mahitaji maalum (walemavu) wa viungo na ubongo.

**75. MHESHIMIWA ESTHER LUKAGO MIDIMU
(VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:- Mkoa wa Simiyu hauna Chuo cha Ufundi (VETA):-

Je, Serikali ina mpango gani wa kujenga Chuo cha VETA katika Mkoa wa Simiyu.

**76. MHESHIMIWA EDWARD FRANZ MWALONGO
(NJOMBE MJINI):**

Atamuuliza Mheshimiwa Waziri wa Elimu, Sayansi na Teknolojia:- Elimu ya Ufundi ni muhimu ili kuwawezesha Vijana kuajiriwa na kujiajiri:-

- (a) Je, nchi yetu ina Vyuo vingapi vya Ufundi Stadi vya Umma;
- (b) Je, kuna Vyuo vingapi visivyo vya Umma;
- (c) Je, hivi vyote vina uwezo wa kudahili Vijana wangapi kwa mwaka.

WIZARA YA UJENZI, UCHUKUZI NA MAWASILIANO:

**77. MHESHIMIWA BUPE NELSON MWAKANG'ATA
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali ilipanga kujenga na kupanua uwanja wa ndege wa Sumbawanga Mjini:-

Je, ni lini ujenzi huo utakamilika pamoja na kuwalipa fidia Wananchi wanaozunguka uwanja huo.

WIZARA YA VIWANDA, BIASHARA NA UWEKEZAJI:

**78. MHESHIMIWA MUNDE TAMBWE ABDALLAH
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Pamoja na jitihada za Serikali na mmiliki wa Kiwanda cha nyuzi Tabora (Tabotex) ambazo zimewezesha Kiwanda hicho kuwa katika hali ya kufanya kazi, bado kinakabiliwa na ukosefu wa Soko la bidhaa zake:-

Je, ni kwa nini Serikali isikipatie Kiwanda hicho hadhi ya EPZ ili kipate vivutio vitakavyokiwezesha kupata ushindani katika masoko ya nje.

**79. MHESHIMIWA AMINA SALEH MOLLEL
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Mkatoba wa Kimataifa kuhusu Haki za Watu Wenye Ulemavu (UNCRPD) wa Mwaka 2006 katika Ibara ya 9 unazungumzia haki ya Watu wenye Ulemavu kupata habari kwa kuwa kumekuwa na changamoto za kisheria hususani katika nyaraka zenye hati miliki:-

Je, ni lini Serikali itaridhia Mkatoba wa Kimataifa wa Mwaka 2013 (*Marrakesh Treaty*) ambao unalenga kuondoa vikwazo mbalimbali vinavyozuia Walemavu wasioona kupata habari katika mifumo inayokidhi mahitaji yao.



WIZARA YA MIFUGO NA UVUVI:



**80. MHESHIMIWA MASHIMBA MASHAURI NDAKI
(MASWA MAGHARIBI):**

Atamuuliza Mheshimiwa Waziri wa Mifugo na Uvuvi:- Shamba la malisho lililopo katika Kata ya Shishiyu Wilayani Maswa linamilikiwa na Serikali lakini halitumiki ipasavyo:-

Je, Serikali haioni haja ya kulirejesha shamba hilo kwa Halmashauri ya Wilaya ili lipangiwe matumizi mengine.

WIZARA YA MALIASILI NA UTALII:

81. MHESHIMIWA JOSEPH LEONARD HAULE (MIKUMI):

Atamuuliza Mheshimiwa Waziri wa Maliasili na Utalii:- Wanyama hasa Tembo wamekuwa wakiharibu sana mazao ya Wananchi kwa fidia ndogo sana ya Tshs. 20,000 kwa heka na hii hupunguza ushiriki wa Wananchi katika kuzuia ujangili ndani ya Hifadhi.

Je, Serikali imejipangaje kukaa vizuri na Wananchi wa Vijiji vinavyopakana na Hifadhi ili kuwa na ushirikiano katika kuzuia ujangili?

IV. KAULI ZA MAWAZIRI:

WAZIRI WA HABARI, UTAMADUNI, SANAA NA MICHEZO.

VI. MISWADA YA SHERIA YA SERIKALI:

***(Kusomwa Mara ya Pili, Kamati ya Bunge Zima na
Kusomwa Mara ya Tatu)***

Muswada wa Sheria ya Shirika la Mawasiliano Tanzania wa Mwaka 2017 *(The Tanzania Telecommunications Corporation Bill, 2017)*.

**DODOMA
14 NOVEMBA, 2017**

**S.N. KAGAIGAI
KATIBU WA BUNGE**